

grosser liebe gegen das Menschliche geschlechte / dasselbe zur
 busse zubekehren / gleich auff's newe / vnd præter naturæ ac rerum
 seriem produciert oder schafft / ein phylicum vnnnd natürlich
 ding machen wollen / vnd dieselben an den lauff der natur bin-
 den / als wenn es gar nichts auff sich hette / oder nichts son-
 derliches bedeutete / sondern etwas gewöhnliches wehre. Vnd
 in gemein davon zu reden / ist die Gottlose sichere Welt also
 geartet / ob sie schon viel wunderwerck mit ihren leiblichen au-
 gen ansiehet / vñ außdrücklich vernimbt / das es etwas sonder-
 liches / vngewöhnlichs / wunderbares vnnnd vnnatürliches sey /
 daraus man Gottes zorn außdrücklich vermercken könne : wil
 sie doch das Gerichte / die ruthe vnd straffe vnsers Herrn nicht
 erkennen / sondern sucht heimliche deutungen vnnnd natürliche
 vrsachen / woher es komme / was es vor eine materia sey / vnnnd
 durch was wirkung / hülffe vnd befürderung dieselbe zu einer
 solchen forma gebracht werde. Dis ist eine rechte Teuffelische
 art / vnd die gefehrlichste zeitung vnter allen zeitungen / quan-
 do ad pœnam accedit securitas atque contemptus, wenn die leute
 mitten in der straff oder im zorn des gewaltigen eiferigen Got-
 tes / noch mehr sicher werden / vnd die zeichen verachten / gering
 schätzen / natürliche vrsachen denselben suchen / als wenn es
 nichts gefehrlichs auff sich hette / wehr nur ein signum pacis ac
 fortunæ, gescheg alleine juxta dispositionem materiæ elementaris.
 Denn ob wol etwas vrsachen der oben erzehlten wunder kôn-
 ten erfunden werden / (wie auch Gott bißweilen die vnterste
 natur vnd Elementa darzu mit nimpt / vnd derselben gebrau-
 chet) so sind doch dieselben viel zu wenig vnnnd gering / solche
 schreckliche zeichen herfür zubringen / vnd ins werck zu setzen /
 wie fast alle verstendige / vnnnd in der natur erfahrne Menner
 öffentlich bekennen müssen / das kein Physicus so spitzfönnig sein
 kan / der sufficientem causam illorum prodigiorum dargeben kôn-
 te / vnd erweisen / aus welchem fundament vnd vrsachen diesel-
 ben eigentlich entspriessen / was die materia ex qua sey / & quæ
 causa efficiens propinqua. Derwegen wir den vorwitz hie sollen
 fahren lassen / vnnnd gewiß schliessen : Manus Domini tangit nos,
 die hand Gottes drücket vns / Gottes Ruthe ist's / Gott wir-
 cket vnd